

欽定石渠寶笈三編

欽定石渠寶笈三編

乾清宮藏

十

列朝名人書畫

元趙孟頫臨蘭亭序

一卷

元趙孟頫書松江普照寺藏殿記

一卷

元趙孟頫畫盆花

一卷

元李衍雙松圖

一軸

元商琦臨趙令穰荷鄉清夏圖

一軸

元王振鵬瀛海勝景 一軸

元黃公望富春山居圖 一卷

元倪瓚秋林野興 一軸

元王蒙溪山高隱圖 一軸

元盛懋葛洪移居圖 一卷

元盛懋山水 一軸

元俞和篆隸千文 一冊

元馬琬松壑觀泉 一軸

元方從義畫雲樹流泉

一軸

元方從義畫石岸古松

一軸

元張雨自書台僊閣記

一卷

元人十八學士圖

一卷

元人洛社耆英會圖

一卷

元人相馬圖

一卷

元人三陽開泰圖

一軸

元人太行雪霽圖

一軸

元人早子圖 一軸

元人採芝圖 一軸

元人畫蘆雁 一軸

明宋克書急就章 一卷

明邊文進分哺圖 一軸

明戴進昇平村樂圖 一卷

明杜瓊九峰雲影圖 一卷

明姚綬九芝衍慶圖 一軸

明沈周畫蓮塘小隱 一卷

明沈周畫雲山 一卷

明瞿果畫魚虎 一卷

明祝允明家書 一卷

明唐寅桐山圖 一卷

明唐寅溪泉藜杖圖 一軸

明唐寅畫山水 一軸

元趙孟頫臨蘭亭序 一卷

本幅紙本縱八寸四分橫二尺四寸二分行

楷書臨蘭亭序文不錄鈐印二趙孟頫印趙子

昂氏

後幅

一幅行書題跋八法六體至楔帖而備後人

臨摹殆不啻如恒河沙數不可以量計然印

泥畫沙以心因心千載如睹故名家擅其意

而不嬗其貌。山陰元製六丁，取將河南真本。
亦同羽化。松雪此本，火盡新傳，又為褚氏功
臣矣。百世可知。損益勿論，便是解人。高沙龔
璠鈐印一子敬父。二幅白描趙孟頫小像。
款古杭王繹鈐印二王繹之印。思善篆書標
題。趙文敏公小像楷書題句。展卷古香溢，恢
恢筆陣奇。五朝資典冊，百代仰型儀。藝苑馳
聲遠，烟雲信手撝。買絲誰作繡，猶得見鬚眉。

鄉人朱吉題。鈐印一朱固寧。三幅楷書松

雪翁小傳。翁姓趙氏諱孟頫字子昂別號松雪道人。幼質通敏。長力於學。珠明玉潤。輝耀寰宇。聲聞湧溢。達於帝廷。至元丙戌。詔訪江南遺佚。公居首選。世祖皇帝一見。稱為神仙中人。尚書省命公草詔。深契上旨。遂授為兵部郎中。游歷中外。弼亮五朝。延祐五年。謁告歸里。遣使存問。進拜翰林學士承旨。榮祿大

夫追魏國公謚曰文敏仁宗皇帝嘗謂侍臣
曰人有不及公者數事帝王苗裔一也狀貌
佚麗二也博學多聞三也操履經正四也文
詞高古五也書畫絕倫六也旁通佛老七也
非他詞臣可比於戲盡之矣公治尚書嘗為
之注多所發明尤精律呂之學深得不傳之
妙性善書端以古人為法篆則石鼓詛楚隸
則師法梁鵠鍾繇行草則逸少獻之不雜以

近體。佗人畫山水竹石人馬花鳥互有優絀。而公悉造其微。尤善鑒定古器法書名畫年。禊之久近。誰某之所作。皆望而知之。不待諦玩也。詩賦文詞。清邃高古。手寫釋道書散之。名山甚衆。天竹遠在西徼數萬里外。其國高僧亦知公為中國賢者。且寶其書。況中土乎。公嘗於燕處之所。扁其室曰松雪齋。因自號曰松雪道人。至元四年歲次戊寅十一月廿

有四日睢陽山人朱德潤撰。并書鈐印三存。
復齋朱澤民氏眉宇。檄人。四幅。行書識語。

右內翰文敏趙公所摹右軍蘭亭序乃公次
嗣雍所藏也。僕年十四五時已知世有松雪
翁而未遂一拜床下。至治初元會試京師則
公已歸湖矣。及僕來官是州。僅及識公之二
子。見其詞章之盛。游藝之妙。深識博趣。不亞
於公親炙。一再過嚮慕之私。豈以不識公為

恨乎。相知已深，仲穆則以是卷見贈。摩挲手
蹟，不盡嚮往。因倩王子思善摹繪為圖，并屬
睢陽老人製為小傳，以附卷後。高山景行之
思，益於是乎。勿誼已至元後己卯春正月八
日，長沙何貞立識。鈐印一，長沙何貞立印。
五幅題跋三則，蘭亭真蹟自蕭翼賺出一現
奇珍，世間流傳。乃歐虞褚薛摹本，雖具本來
面目，恐亦非探驪手耳。文敏此卷興到欲書。

神彩煥發所謂不落世臉天度自全者耶無
論駕軼定武即復令右軍染翰或亦借腕於
魏公也海岳謂蘭亭無恙殆庶幾矣新安後
學程敏政謹題鈐印三篁墩克勤學士之章
書家之有蘭亭猶山岳之有泰岱也學書
者不由是口終不得書中三昧惜世遠本雜
展轉失真遂生遺恨今松雪公於臨池之暇
流傳此本雖自有門徑學書者得是而法之

與撫石刻者思過半矣。二泉山人邵寶題於
錦峰山房鈴印二國賢二泉 楔帖信佳矣。
前賢今哲具能道之余復何言哉。此松雪摹
本。筆意精嚴。動合法度。有晉人之遺風。時當
雪晴雨霽。天朗氣清。修竹名花之下。明窓淨
几之間。佳客適至。俗子不來。好香一爐。清茶
數盞。展開一過。臨寫數行。豈復有人間俗事
耶。斯吾生平至樂。不知誰之子可以語此。戊

戊冬至日同友人楊不弃伯兄景伯鑒賞因
題吳廷鈴印一吳廷私印

卷內分鈴

高宗純皇帝寶璽乾隆御覽之寶乾隆鑑賞

鑒藏寶璽

五璽全寶笈三編

收傳印記乾坤清氣第一希有重朱之赤鑒

賞重卧菴所藏朱重卧菴重寶玩珍記

印重新安朱氏寶藏圖書重仲穆吳廷私印朱

之赤一重子孫保之二重墨寶樓聚好一重休寧朱

之赤珍藏圖書朱芾之印天官大夫元和朱

芾二重口惠堂南湖山齋鳴玉館長宜子孫元

聞珍玩銓賜甲申進士第朱卧菴收藏印東

南之美詹景鳳白岳山人餘爐印一半印一

全印三俱不可辨

江案王鐸字思善號癡絕生其先睦人居杭
之新門年十二三已能丹青亦解寫真於小
像特妙見輟耕錄宋德潤字澤民睢陽人著
籍于吳工書善畫有古作者風歷鎮東行中

書省儒學提舉吉即其子也字季寧自吳徙
崑山明初歷官湖廣按察使僉事見蘇州府
志是卷鈴印又作園寧殆其別字即寶字國
賢號二泉成化二十年進士攷見續編何貞
立長沙人至元中任湖州推官見湖州府志
跋中所稱不棄乃楊明時字也

元趙孟頫書松江普照寺藏殿記一卷

本幅紙本縱一尺二分橫一丈四尺二寸楷
書松江普照寺藏殿記佛之跡不可得而見
所留者言佛之言不可得而聞所存者經自
西方教入中國有曰十二部有曰六百五十
七部又有曰五千四十八卷蓋如來四十九
年之所說諸菩薩大弟子之所記西天二十
八祖此土六祖之所傳與古今高僧賢達之

所著舉而集之愈久愈夥。非俱舍何以置梵
云俱舍。此言藏。至傳大士作天宮地輪以盛
經典。令諸有情推轉。乃謂之輪藏。藏之不可
廢也。以此松江普照寺。據通開。俯漣漪為羣
刹冠。淳祐間燬于火。若厨若廊。若大殿。由宋
季及國朝。皆次第崇脩。稍還舊觀。惟藏院一
瓦礫場耳。梵修主僧希白。居刹之四年。慨然
有興復志。會郡富室王提管國英。慕善樂施。

以力倡率及大檀那來助始至元十九年之
三月迄三十一年之十一月越十有三載而
藏殿成共費錢一十五萬殿二十楹藏崇五
丈廣半之金碧照爛髹漆精明上有飛仙橋
中有棲經函旁有鐵圍山下有香水海每巨
植砮轟人運機而神効力如車之旋如風之
行如雷霆之驚壯麗傑特雖百歲老人猶以
為希有明年希白狀始末求余文余曰初經

之未廣也。或以銀。或以金。或以血寫者。常多。及經之既廣也。印於福。印於杭。印於蘇。讀者益少。今五千四百八十卷。貯以五百四十八函。以五百四十八函而摠為一藏。以一藏而載之一輪。是豈徒張皇詭異。為一方之誇耶。抑將見學者朝講夕誦。內有所自得耶。昔德山周禪師。精究律藏。嘗講金剛般若。時謂之周金剛。温州安禪師。得法於天台。首闡楞嚴。

了義時謂之安楞嚴二師纔了一經已足超
詣矧博通三藏者乎如白之哀集經律論諸
書包涵萬有覺悟羣迷使人隨取隨足其用
心固勤矣雖然凡開是藏閱是經曾知夫經
自佛口中來藏從人心上轉天宮有此法輪
人心亦有此法輪龍宮有此海藏人心亦有
此海藏白合掌作禮曰聞公之說是人心藏
心同一悟轉乃藏之無盡者也願勒石垂不

板故書以授是年重陽日翰林侍講學士除
朝列大夫松江府知府兼勸農事張之翰記
集賢直學士除朝列大夫同知濟南路總管
府事兼管本路諸軍奧魯趙孟頫書并篆額
幅首篆書題額松江普照寺藏殿記 幅
尾題跋普照寺轉藏殿記趙文敏最得李北
海法何元朗鑒藏第一甲戌中秋董其昌觀
鈴印二宗伯學士董元宰氏

後幅

香象渡河。腳跟著底。具此神力。乃可學右軍之如龍。松雪當此時。書家羅漢果也。張照敬記。鈐印二張。照私印。得天。

卷內分鈐

高宗純皇帝寶璽。乾隆御覽之寶。乾清宮鑑藏寶。乾隆鑑賞。

鑒藏寶璽

五璽

寶笈三編

收傳印記清森閣書畫印何元朗氏曹司私

印

謹案畫史會要有釋希白善白描荷花殆即
主普照寺者張之翰字周臣號西巖邯鄲人
以翰林侍講學士出知松江府歲荒奏除民
租十餘萬石見松江府名宦志孟頫結銜稱
諸軍與魯攷元史語解與魯即今鄆羅軍府
欽也跋中所稱何元朗乃何良俊字

元趙孟頫畫盆花 一卷

本幅紙本。縱一尺二分，橫六尺六寸五分。設色畫枸杞、菖蒲、梭櫚、綠蕉、黃楊、紅梅、秋海棠，皆盛以錦盆，映以文石。款：大德五年清和吳興子俊製，鈐印二。趙子俊氏吳興。

後幅題跋

瓦盆隨意蔣名花，嫩綠嫣紅盡可誇。想見幽窗嫺雅甚，垂簾滌暑幾烹茶。筆底風光孰

比倫徐黃脂粉總空塵四時不斷生香草硯
北常看滿座春泰定二年正月宋耿題鈴印
二宋聚學士之章

卷內分鈴

高宗純皇帝寶璽乾隆御覽之寶乾隆鑑賞

鑒藏寶璽

五璽全

寶笈三編

收傳印記海錄山房

重一

謹案趙孟頫字子俊孟頫弟也歷官知州工
人物花鳥見畫史會要又攷元史宋本傳本

弟裴字顯夫登泰定元年進士第授校書郎
累官至翰林直學士謚文清今印作宋裴而
款乃作宋耿不可解

元李衍雙松圖 一軸

本幅絹本縱四尺九寸橫二尺八寸墨畫虬松二株觀以古木細竹無款鈐印一仲賓更字息齋

軸內分鈐

高宗純皇帝寶璽 乾隆御覽之寶 乾隆鑑賞

鑒藏寶璽

五璽

寶笈三編

收傳印記 晉府圖書式古堂書畫印

謹案李衍字仲容號息齋歷官集賢大學士
致見續編

元商琦臨趙令穰荷鄉清夏一軸

本幅絹本縱三尺橫九寸九分設色畫山雲
釀雨蒨蒨凌波款延祐元年仲呂月臨趙令
穰荷鄉清夏圖商琦鈐印一商琦之印原題
風蒲獵獵弄輕柔欲立蜻蜓不自由五月臨
平山下路藕花無數亂汀洲商集賢學士此
幀風流蘊藉定推仙品鰲臯鈐印二陶振鈞
鰲客 蟬鳴高柳綠陰遮夏日山居事事嘉

最愛曉來池館靜野塘香色汎蓮花耐軒居
士王達鈐印一王達善印

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽寶笈三編

收傳印記朱卧菴收藏印

謹案商琦字德符魯國公從子元祕書監王
達字達善無錫人洪武中舉明經官至侍讀
學士俱考見續編陶振字子昌吳江人從居
華亭明洪武中舉明經授吳江訓導

元王振鵬瀛海勝景一軸

本幅絹本縱五尺一寸橫二尺六寸五分設
色畫雲山樓閣烟海帆檣山下跨一大橋遙
見城堞橋上兩人對語一童執羽扇後隨款
振鵬鈐印一漫漶

玉池

元王振鵬瀛海勝景真蹟款蘊真藏鈐印一
雙清閣鑒賞

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

收傳印記商邱宋氏收藏圖書五岳遊人

謹案王振鵬字朋梅永嘉人仁宗賜號孤雲居士考見續編

元黃公望富春山居圖 一卷

本幅紙本縱一尺二分橫一丈九尺八寸三分水墨畫烟樹雲山沙汀村舍自識至正七年僕歸富春山居無用師偕往暇日於南樓援筆寫成此卷興之所至不覺疊疊布置如許。遂旋填劄閱三四載未得完備蓋因留在山中而雲遊在外故爾今特取回行李中早晚得暇當為著筆無用過慮有巧取豪斂者

俾先識卷末庶使知其成就之難也十年青
龍在庚寅。歎節前一日大癡學人書於雲間
夏氏知止堂鈐印二黃子久氏一峯道人

高宗純皇帝御識

世傳富春山居圖為黃子久畫卷之冠。昨得其
所為山居圖者有董香光鑑跋。時方謂富春圖別
為一卷。屢題寄意。後於沈德潛文中知其流落人
間。庶幾一遇為快。丙寅冬或以書畫求售。多名賢

真蹟。則此卷在焉。上有沈文王鄒董五跋。德潛所見者是也。因以二卷竝觀。始悟舊藏即富春山居真蹟。其題籤偶遺富春二字。向之疑為兩圖者。實誤甚矣。鑑別之難也。至董跋兩卷一字不易。而此卷筆力柔弱。其為贗鼎無疑。惟畫格秀潤可喜。亦如雙鉤下真蹟一等。不妨並存。因并所售以二千金留之。俟續入石渠寶笈。因為辨說。識諸舊卷。而記其顛末於此。俾知予市駿雅懷不同於侈收藏。

之富者適成為葉公之好耳乾隆御識臣梁詩正
奉

勅敬書鈐印二臣梁詩正補拙莫如勤

前隔水題跋

大癡畫卷予所見若構李項氏家藏沙磧圖
長不及三尺婁江王氏江山萬里圖可盈丈
筆意頗然不似真蹟唯此卷規摹董巨天真
爛漫復極精能展之得三丈許應接不暇是

子久生平最得意筆。憶在長安。每朝參之隙。
徵逐周臺幕。請此卷一觀。如詣寶所。虛往實
歸。自謂一日清福。心脾俱暢。頃奉使三湘。取
道涇里。友人華中翰為予和會。獲購此圖。藏
之畫禪室中。與摩詰雪江共相映發。吾師乎
吾師乎。一邱五岳都具是矣。丙申十月七日。
書于龍華浦舟中。董其昌鈐印二董元宰。太
史氏。

後幅題跋

大癡黃翁在勝國時以山水馳聲東南其博學惜為畫所掩所至三教之人雜然問難翁論辨其閒風神竦逸口如懸河今觀其畫亦可想見其標致墨法筆法深得董巨之妙此卷全在巨然風韻中來後尚有一時名輩題跋歲久脫去獨此畫無恙豈翁在仙之靈而有所護持耶舊在余所既失之今節推樊公

重購而得。又豈翁擇人而陰授之耶。節推蒞
吾蘇。文章政事著為名流。雅好翁筆。特因其
人品可尚。不然。時豈無塗朱抹綠者。其水墨
淡淡安足致節推之重如此。初翁之畫亦未
必期後世之識。後世自不無揚子雲也。噫。以
畫名家者。亦須看人品。何如耳。人品高則畫
亦高。古人論書法亦然。宏治新元立夏立應
日長洲後學沈周題。鈐印一啟南。右大癡

長卷昔在石田先生處既失去乃想像為之
遂還舊觀為吾蘇節推樊公得之是成化丁
未歲也至宏治改元節推公復得此本誠可
謂之合璧矣。今又為吾思重所得豈石田所
謂擇其人而授之者耶。思重來南京出二卷
相示為題其後。隆慶庚午四月。後學文彭記。
鈐印一文壽承氏。隆慶辛未中秋後三日。
敬觀於梁溪談氏漱懷閣。太原王穉登無印。

記 百谷閣後四十二日周天球在天籟堂
得併觀二卷者彌日無印記 余生平喜畫
師子久每對知者論子久畫書中之右軍也
聖矣至若富春山圖筆端變化鼓舞又右軍
之蘭亭也聖而神矣海內賞鑒家願望一見
不可得余辱問卿知凡再三見竊幸之矣問
卿何緣乃與之周旋數十載置之枕藉以卧
以起陳之座右以食以飲倦為之興悶為之

歡醉為之醒家有雲起樓山有秋水菴夫以
據一邑之勝矣溪山之外別具溪山圖畫之
中更添圖畫且也名花繞屋名酒盈樽名書
名畫名玉名銅環而拱一富春圖嘗聞天上
有富貴神仙豈勝是耶又聞子久當年元是
仙人故遺此跡與問卿遊戲耶國變時問卿
一無所問獨徒跣而攜此卷嗟乎此不第情
好寄之直性命徇之矣彼五岳有真形圖而

富春亦有之。可異也。當年此圖畫與僧無用
追隨問卿護持此卷者亦是一僧可異也。庚
寅畫畫題畫人來又適庚寅可異也。雖然余
欲加一轉語焉。繪畫小道耳。巧取豪歛何必
蚤計。載之記中也。東坡不云乎。永上偶然留
指爪。鴻飛那復記。東西問卿目空一世。胷無
纖塵。乃時移事遷。感慨係之。豈愛根猶未割
耶。龐居士不云乎。但願空諸所有。不欲實諸

所無嗟乎。余言亦太饒舌矣。野老鄒之麟識。
無印記。黃子久富春山居圖。係紙本。長尺
許。潤三丈餘。寫付無用和尚者。起至正七年
成。至正十年未成時。恐人巧取豪欺。先書無
用本號。後綴成之。見子久自記語中。後有沈
石田。文文水。王百穀。董思白。鄒衣白。五跋。其
元人及明初人跋。歸石田時。已經脫落矣。按
子久於元四大家中。為冠。而此卷又為生平

神來之筆。比之右軍蘭亭。不虛也。入

國朝歸高江村詹事。詹事以六白金收之後。歸
王儼齋司農。亦如其直。司農沒。僕人挾之來。
蘇。逾月無售者。旋轉之維揚矣。計詹事司農
品地聲勢。極一時之盛。今不三四十年。如春
花飄零。雲煙解散。而山人筆墨。長留人世間。
洵穠華難久而淡寂者多味外味也。雍正戊
申。觀於黃鶴坊某氏。時六月二日。戊申歲。

於黃鸝坊某氏。閱黃子久富春山居圖時儼
齋王司農家人持卷求售索直千金吳中無
大力者將之維揚後亦不知所之矣乙卯秋
予寓京師程子純江於安氏借得此卷邀予
往觀不啻重見故友也畫在明代為白石翁
物後歸樊節推最後歸吳明卿入

國朝歸高江村後歸王儼齋迄今在三韓安氏
予既幸前賢名蹟流傳人代若有鬼物呵護

其間。又以文人學士不能有之。而為之主者。惟侈寶玩之多。賈直之重。以為豪舉。此卷亦未為得所也。後有如白石翁者。或更當歸之。右沈德潛二跋。乾隆丙午仲冬月。臣金士松奉

勅補書

此石渠寶笈次等黃公望富春山居圖。乃

安岐舊物。沈德潛所為兩跋。自明沈周至

本朝高士奇。王鴻緒所珍藏。歎賞者。及歸

天府以校石渠舊藏富春山居圖始知公望真蹟
久登

秘笈是卷特仿本之佳者耳夫家有敝帚享之
千金其境地相遠清於流別者更何足道若
沈周以下皆數百年來所稱賞鑒家而此幅
又致佳本當其贊美題識流傳珍弄固自以
為人世希有壯觀而不知一邱一壑之勝不
足與語岱嵩溟渤之境一吟一詠之美不足

與入禮樂文章之府也至伏讀

御製題公望真蹟記因一事獲三益觸類於出治用人即古人一筆墨之妙而觀其通見其大蓋無在非

精義要道之發以公望之靈思神筆具仰睿賞之有真而即此規倣精良者亦登次等道無棄材義有差等仍

命書沈德潛兩跋於是卷末更徵

化裁含覆之廣大也夫臣梁國治臣劉墉臣曹文植

臣彭元瑞臣王杰臣金士松臣董誥拜手稽

首恭跋臣金士松敬書鈐印二臣金士松敬

卷內鈐

高宗純皇帝寶璽乾隆御覽之寶

鑒藏寶璽

全五璽

寶笈三編

收傳印記之矩

半印一重

鴻緒季

一重

揚州李因是

收藏印一重江長庚三重儼齋祕玩三吳之矩五重

臣志印半揚州季南宮珍藏印王鴻緒印儼齋

季寓庸印因是氏雲間王鴻緒鑒定印八士

之印柟公周炳文印吳臣志印安紹芳印樊

卿甫子孫永保雲間王儼齋收藏記

謹案此圖載張丑清河書畫舫諸跋語載下
永譽畫彙考中鄒之麟字臣虎號衣白武進
人明季進士攷見續編

元倪瓚秋林野興一軸

〔本幅〕紙本縱四尺一寸橫二尺六寸。水墨畫雲間遠岫林下虛亭。自題余既與小山作秋林野興圖。九月中。小山攜以索題。憶八月望日。經鉏齋前。木屏盛開。因賦下韻。今年自春徂秋。無一日有好興。味僅賦此一律。錄於左方。政喜秋生。研席涼。卷簾微露。淨琴張。林扉洞戶。發新興。翠雨黃雲籠遠床。竹粉因風晴。

靡靡杉幢承月夜蒼蒼然香底用添金鴨落

藥仍宜副

副字旁注

枕囊已卯九月四日雲松生

倪瓚無印記

今年歲在甲午冬十一月余

旅泊甫里南渚陸益德自吳淞歸攜以相示

蓋藏於其友人黃君允中家余一時戲寫

寫字

旁注此圖距今十有五年矣對之悵然如隔世

也瓚重題其口左而還口十九日無款印

掩靄生清輝空明照秋影遐眺臨虛亭一覽

心已領陸繼善題無印記

玉池題跋

經鋤堂前木樨黃何人晏坐聞

聞字脫補後

天香

迂翁宵中有清癖欲掃繁花歸枕囊秋林野

興圖親寫百年流落燕都下市門不遇杜長

垣殘墨誰將手重把宏治壬子臘月子開至

京偶見此圖識其為雲林真筆也因購得之

重加裝褫請余題其上匏庵吳寬鈴印二吳

寬延陵 百年遺墨尚精神。賞鑒還歸杜老
真。今日長垣傳法眼。固知少嫩亦如人。頃余
讀東原遺稿。其論雲林畫云。世率以其書辨
真偽。不知早歲所作尤少嫩。如其人。故余詩
云。然先生知畫之深者也。王鏊題。鈐印一濟
之。

軸內分鈐

高宗純皇帝寶璽
乾隆御覽之寶
乾隆鑑賞

鑒藏寶璽

全五璽

寶笈三編

收傳印記陳定平生真賞長安太原王氏收

藏印俱半

謹案陸繼善字繼之吳人見四朝詩選小傳
跋中所稱陸益德疑即其人王鑒字濟之吳
縣人成化乙未進士官至文淵閣大學士謚
文恪見列鄉紀東原杜瓊號也

元王蒙溪山高隱圖 一軸

本幅紙本縱四尺橫一尺五寸三分設色畫
層巒深樾茆屋溪橋自題溪山高隱篆款丙
辰蚤秋夜秉燭諸子坐話閒弄筆黃鶴山樵
鈐印二黃鶴樵者王蒙

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

鈕璽

寶笈三編

收傳印記蘭陵文子收藏名教中自有樂地

白雲居士

元盛懋葛洪移居圖 一卷

本幅絹本縱八寸四分橫一丈三寸五分設色畫野屋短垣松竹圍繞庭有丹井林有白鶴兩奚奴一執篲掃徑一升樹翦棘一垂髻者倚門而望門以外二鹿載書冊將至其後三奚奴或舁或擔皆家具又後二女奴一負卷抱琴方度橋一挈筐荷麈尾行樹下有五羊從之又後洪夫婦各跨一牛兩奚奴牽而

前一荷囊一叱犢。洪坐牛背讀書。洪婦擁三
雛。一襁一捧。一女嬰坐後抱。一狸奴又後兩
奚奴。一執盞一捧酒罌。最後一老嫗左挾鴨。
右挾鷄。一犬前導蹣跚而來。款盛懋無印記。
後幅題跋。

子昭先生筆墨精卓。能擅唐晉之風。故克臻
此妙境。余覩盛子繪事多矣。無不有以工細
見長者。此葛仙移業圖。復饒生動自然之致。

蒼潤秀湛兼而得之豈易有也宜寶諸太原
王穉登鈴印二穉登板橋槐柏映沙墟可
似仙人松鶴居領畧風光詩思好規摹粉本
墨痕踈漫跨牛背看瀑布巾箱囊橐負春鋤
圖成妙手偏工巧依然移業到高廬不寐道
人金俊明識於淮水之冰鑑山房鈴印二金
俊明印不寐明懷

引首

葛仙移業

書隸款

三橋文彭鈐印三丈彭壽承

氏率真

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

鈕五璽

寶笈三編

收傳印記曾在李鹿山處新興尹章三印漫
漚

謹案盛懋字子昭嘉善人攷見續編全俊明
初名來字九章後更今名字孝章吳縣學生

崇禎壬午後棄諸生隱居廬市門人私謚貞孝先生見明詩綜小傳

元盛懋山水一軸

本幅紙本縱三尺七寸五分橫一尺二寸八分淺設色畫山靄林煙扁舟坐眺款武塘盛懋字懋鈴印一盛懋半

軸內分鈴

高宗純皇帝寶璽乾隆御覽之寶乾隆鑑賞

鑒藏寶璽五璽寶笈三編

收傳印記北平孫氏硯山齋圖書

元俞和篆隸千文 一冊

本幅紙本。摺裝三十七幅。皆縱六寸六分橫

七寸七分。篆隸分體。開書千十字文。隸文不款天

爵賢良。嗜予篆隸。因書此為贈。時至正甲午

歲冬十一月三日也。清隱散人俞和識。鈐印

三。俞和子中甫印。紫芝生。末幅尾題識。元

人皆知筆法。雖書迹不工。闕二無後代惡狀

况紫芝生。殊有能名者。闕二其書妍勁成就

深足貴也。然亦題八分為隸。何耶。康熙甲申。青州趙執信觀。因識鈴印。一執信。

後幅題跋。

元時篆

字闕二

趙吳興為首。紫芝生蓋從趙出。

者。格韻道勁處不及吳興。而氣格淵雅則已。

具體矣。此冊曩見京師。乃吾宗寶傳。字闕一之。

所藏。越十年後得。字闕一寓目。字闕二武陵漁人。

再

字闕二

華

字闕一

矣。雍正庚戌八月。琅邪王澍。

書鈴印一王澍印元人好寫四體千文如

錢以良輩

關一

有墨本流傳所見不止一二

紫芝生小篆筆趣翩翩分書亦入史蔡之室

考其自署篆隸亦有所

關四

集漢碑數百體

殊派別止目為隸釋隸續似又未可以此訾

議前人也壬子五月淞洲書無印記

冊內分鈴

高宗純皇帝寶璽
乾隆御覽之寶
乾隆鑑賞

鑒藏寶璽

五璽

寶笈三編

收傳印記商邱陳氏圖書陳淮之印雲煙過

眼清賞

半印

陳氏葯州結習未除合同

十重

謹案俞和字子中號紫芝錢塘人攷見續編

元馬琬松壑觀泉一軸

本幅紙本縱一尺九寸橫九寸設色畫松林結屋巖磴飛泉自題松壑觀泉戊辰春日扶風馬文璧製鈴印一夢筆山房原題峭壁嶙嶙積古苔棟花將落渚花開閑評最是山中閑更上白雲生處臺一笠道人題半印漫漶軸內分鈴

高宗純皇帝寶璽
乾隆御覽之寶
乾隆鑑賞

鑒藏寶璽

五璽全

寶笈三編

收傳印記珍玩墨林山人有竹人家半印一
漫漶

謹案馬琬字文璧秦淮人攷見續編

元方從義畫雲樹流泉 一軸

本幅紙本。縱四尺。橫九寸九分。淺設色畫石磴巖泉。雲林草閣。自題雲樹接朦朧。高山隱梵宮。流泉瀉虛碧。飛鳥下晴空。谿屋高賢榻。舟人長遂風。此間誰識者。不與世人同。尊南道友。每攜詩訪余於上清院中。塵譚竟日。歸必索畫。此作早成。藏諸袖。以待道友促迫。至再不應。遂別送於長松橋畔。始出。此道友驚

喜復返山齋補款以贈為千秋佳話云耳方
方壺並誌鈐印二口口道士方方壺

軸內分鈐

高宗純皇帝寶璽
乾隆御覽之寶
乾隆鑑賞

鑒藏寶璽

五璽

寶笈三編

元方從義畫石岸古松 一軸

本幅紙本縱一尺六寸八分橫八寸七分淺
設色畫倚岸喬柯自題石岸古松方壺老人
戲筆戊午夏五鈴印三墨池清興方壺書印
周大夫方叔之後

軸內分鈴

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

收傳印記大雅名余曰玉白雪齋鑑賞仲和

寧河王世家鄧氏珍藏古鄔魏氏王元美印

子京董光裕印夷門冀公世家

半錢唐沙門

普會魯庵臣彥章字考叔吳興一印不可識

元張雨自書台僊閣記 一卷

本幅綾本。縱一尺一寸。橫五尺四寸。行楷書。大開元宮台僊閣記。開元再造之四年。規制粗備。方丈始作重屋於清風堂之故基。為楹三間。上下四簷。繚以方柱。可環以行。乃十二月庚申吉。釐祝事。竟升負棟之梁。時霜空皎如。初日朗曜。其下故有來鸛之亭。雙鶴交鳴。若命儔侶。而雪毛丹頂之族。類浮空至者。凡

十七輩翱翔其上。良久乃去。真人元覽翁顧
謂弟子張天雨曰：目覩斯瑞子，盍有以名之。
天雨遂請名之曰台僊閣，以書事紀實焉。明
日衡州通守忽公適來，真人以閣名請記。公
欣然告曰：作室貴得其名，作文貴得其意。伯
老雨應作雨
老誤倒於文學者，能秉筆直寫吾意，則
斯文可立就。天雨於是濡毫染紙，側聆雅命。
公從容陳其曰：意應作意
日誤倒是閣也。前拱閼殿。

後臨元圃。錢湖繚其襟帶。吳岫屹其冠冕。虛
明爽塏。高而不危。一郡闡闡之區。皆頽而覽。
是為一宮之主。且真人高年重望。羽儀斯道。
仙仙乎山中之相。而位則次乎三台之座者。
矣。故有台化之禽。僊人騏驎。若覽德輝而下。
夫豈偶然哉。盖由琴心之疊。以和召和。將見
諸福之物。方來而未艾。以之名閣。不亦宜乎。
公之意如此。謹錄以為台僊閣記。公名忽都。

達兒。賜進士及第。中憲大夫同知衡州路總
管府事。大元至正五年。歲在乙酉十二月庚
戌朔十五日甲子。教門修撰元學講師張天
雨書鈴印。一句曲外史張天雨印。

後幅題跋

句曲外史藥井詩曰。甘泉張冷洲。淨界乃深
僻。石函月沙窖。露瓮莓蘚積。有餅居井眉。飲
香視其迹。外史丁丑歲出茅嶺。庚辰歸陽德。

館作樓居而往來靈石鵑之精舍丁亥造水

軒於浴

關一

灣明年刻詩井上時年六十有

六濮陽吳獻隸

伯雨初就趙松雪學書松

雪令其任意書見其筆畫勁健遂贈以雲麾

將軍碑伯雨學之卒能青於藍而名後世也

此記當於李北海娑羅樹碑

關四

師與弟子

書如此也

後學曹衡書鈐印三曹衡私印華

亭曹士望印柱史後裔

元張伯雨於古法

書極為精鑒幾埒子昂至其自作稍受法縛
要元人書無學唐以上者亦囿於風氣故也
此卷澹而近韻似反以未合法佳耶若辭世
文一律矣崇禎壬午七月三日浦陽倪仁禎
書鈐印二株山倪仁禎印

卷內分鈐

高宗純皇帝寶璽
乾隆御覽之寶
乾隆鑑賞

鑒藏寶璽

五璽

寶笈三編

取傳印記陳氏夢禪室鑒商邱陳淮下有朱

押一姜紹書印曲阿姜二酉鑑藏商邱陳氏

圖書一鳳儀趙氏寶墨沈氏珍藏

謹案曹衡字士望青浦人精敏好學尤善真
草行書歷官工科給事中見青浦志此卷自
題作華亭人蓋青浦本由華亭分置也倪仁
禎浦江人崇禎丁丑進士見太學題名碑

元人十八學士圖 一卷

本幅絹本縱七寸五分橫八尺七寸七分白描畫松竹文石間三人坐投壺童子六奉箭及酒盞書冊侍左右二人竹間相顧語前後童子三或奉琴或執阮咸或荷巾篋二人偕行一曳杖童子二在前掃石設枰若將就局者四人聚語松下童子一在旁執扇一人拈筆一人展卷童子二煮酒於地三人坐石讀

畫一人倚石旁觀童子一奉文石而前一入
拱立凝思前跼一鶴無款印

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

元人洛社耆英會圖 一卷

本幅絹本。縱一尺四寸二分。橫七尺二寸三分。設色畫耆英會十三人。皓首龐眉。冠服相類。各有標題。坐而顧語童子者。為席汝言。坐執杖者。為王尚恭。坐執卷二童子侍後者。為文彥博。坐以兩手據膝者。為富弼。立而一持牟尼珠一展卷相對語者。為趙丙。為劉几。拱手偕行相遜讓者。為馮行己。為楚建中。扶童

子以行一童子操几從者為王謹言據案作書一從旁諦視傍有童子捧硯者為司馬光為張燾左執卷右執筆與一人偕坐對語童子捧琴在側者為王拱辰為張問後四童子一碾茶一煮茶二滌茶具無款印

後隔水

高宗純皇帝御識

右者英會圖一卷線素筆墨皆舊幀末無款不知

何時魚爛。或為俗工割裂。審視似出元代人手筆。
圖中繪龐眉皓髮衣冠者十三人。得恬穆之意。洵
壽者相。人各標以姓名。為席汝言王尚恭文彥博
富弼趙丙劉几馮行已。楚建中王謹言司馬光張
燾王拱辰張問。蓋宋洛中耆英會故事也。按元豐
五年彥博以太尉留守西都。時弼以司徒致仕。慕
白居易九老會。乃集洛中卿大夫年高者為耆英
會。尚齒而不尚官。繪像於資勝院。時宣徽使王拱

辰留守北京貽書彥博願與其會獨司馬光年未七十彥博重其人用唐九老狄兼謩故事亦請入會於是與會者凡十三人宋邵伯溫聞見前錄載之甚晰此卷人數姓名無不脗合蓋後人薈其事轉相摹寫耳第思彥博弼與光等皆君子其與會者自必當世所稱為端人何以傾側黨附如王拱辰者亦得廁名其列考宋史及通鑑宋仁宗朝杜衍范仲淹執政好薦引賢士而抑僥倖羣小咸怨

壬拱辰之徒思所以中之而未有策會衍壻蘇舜欽監進奏院用鬻故紙錢祠神為飲宴之費以伎樂娛賓客而又分別流品非其侶者皆不得與會於是拱辰劾舜欽以傾衍等一時執政及同席被斥者十餘人皆知名之士拱辰私喜因有一網打盡之語由此遂為公議所薄夫薰蕕不同器彥博等非不知拱辰之邪而與其入會者豈以同官留守致書自請而不能却耶抑林泉寄樂不妨尚齒

而姑與之周旋非必若素心鍼芥之合耶予嘗謂
君子小人何代無之惟在明其界而慎其迹若漢
唐宋明門戶朋黨糾若棼絲不獨小人之害君子
其君子亦且有操室中之戈其後至於不可問者
豈非上之人不能明其界而大顯其跡之所致耶
是不可不慎也因閱斯圖並記及之乾隆癸丑仲

秋御識

臣董誥奉

勅敬書鈴印二臣誥

引首

御書會昌繼躅鈴寶一八徵老念之寶

卷內分鈴

寶璽

太上皇帝之寶

五福五代堂古希天子寶八徵老念之寶乾隆御覽

之寶乾隆鑑賞如古含今水月兩澈明叢雲垂露

鑒藏寶璽

鈐璽

寶笈三編

元人八馬圖 一卷

本幅絹本。縱八寸四分。橫六尺六寸六分。設色畫二馬一衣朱奚人併牽之。前二奚一帕首逐犬。一簷帽調鷹。一奚官皮冠翠被窄袖藉罽中坐。置弓於膝。注視一馬。有戴笠奚人牽而前。後二奚昇水挈罌。狀欲洗馬。其一衣綠。一袒跣黑。如崑崙奴。無款印。

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

鈕璽

寶笈三編

元人三陽開泰圖 一軸

本幅紙本。縱五尺三寸三分。橫二尺八寸。設色畫羊三。一人皮冠佩刀。手執梅枝。無款印。軸內分鈐。

高宗純皇帝寶璽。乾隆御覽之寶。乾隆鑑賞。

鑒藏寶璽

五璽

寶笈三編

元人太行雪霽圖 一軸

本幅絹本。縱四尺八寸五分。橫三尺二寸。水墨畫寒巖雪霽。林外二人跨驢行。前一僕荷擔。後一僕負琴。從山後索馳一驢。二兩人驅之。迤邐而進。無款印。

軸內分鈐

高宗純皇帝寶璽 乾隆御覽之寶 乾隆鑑賞

鑒藏寶璽

五璽

寶笈三編

元人早子圖 一軸

本幅絹本縱五尺六寸橫三尺二寸四分設色畫棗一樹嬰兒七有梯几攀折者有戴槃以承者有襖衣以受者無款印

軸內分鈐

高宗純皇帝寶璽 乾隆御覽之寶 乾隆鑑賞

鑒藏寶璽

五璽

寶笈三編

元人採芝圖 一軸

本幅紙本。縱三尺二寸八分。橫八寸六分。水墨畫雲松巖瀑。苔徑林泉。高士攜童。籃貯芝草。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽

寶笈三編

收傳印記。琅瑯世家。

元人畫蘆雁 一軸

本幅絹本。縱五尺二寸五分。橫三尺三寸。設色畫芙蓉蘆荻。鷺鷥鳬雁。無名款。一印殘損。不可辨。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

明宋克書急就章一卷

本幅紙本縱四寸三分橫七尺二寸五分章

草書急就篇

隋樂超老復丁
止全文不錄

款洪武丁卯六

月十日臨於靜學齋鈴印一仲溫

後幅題跋

急就章字書之祖仲溫於書無所不學而所
成就得於此書為多此本臨以與志學者今
日志學與仲溫攜來請評為書於此五月一

日渤海高啟無印記

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽全

寶笈三編

收傳印記陳氏曼安陳淮審鑑夢禪室畢瀧
審定貞伯父印馬思之印商邱陳氏圖書神
游心賞畢瀧清賞

謹案宋羅願云急就篇舊分三十二章前代
能書者多以草書寫之今世有一本相傳是

吳皇象寫此顏師古本無焦滅胡以下六十
三字又頗有訛脫顏本不分章象所寫三十
一章而已此卷所書即皇象碑本續樂上款
錦繡縵花離雲爵乘風慈鍾華十二字並前
六章俱錄宋克字仲溫大洲人官鳳翔府同
知考見續編高啟字季迪長洲人自號青邱
子洪武時官至戶部侍郎

明邊景昭分哺圖一軸

本幅絹本縱二尺橫一尺四寸八分設色畫
一蜀雞啣蝶作哺雛狀款隴西邊景昭作鈐
印一景昭

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

謹案邊文進字景昭汝縣人永樂中待詔致
見續編

明戴進昇平村樂圖 一卷

本幅絹本縱九寸五分橫三尺六寸六分設
色畫村社中作禱劇諸伎人款靜庵鈐印一
文進之印

卷內分鈐

高宗純皇帝寶璽 乾隆御覽之寶 乾隆鑑賞

鑒藏寶璽 五璽 寶笈三編

謹案戴進字文進錢唐人攻見續編

明杜瓊九峯雲影圖 一卷

本幅紙本。縱九寸二分，橫四尺八分。設色畫。雲影嵐光，疎林野水。一叟坐扁舟，眺遠自題。水面輕風漾碧天。長堤一望景悠然。山光翠洗秋容淨，樹影清依夕照偏。曲徑亂堆千片葉，寒江斜鎖半溪煙。蒼茫野趣真如畫，彷彿王維舊輞川。成化辛未秋仲，寫九峯圖并系以詩。鹿冠道人杜瓊鈴印二杜瓊東原。

後幅題跋

露淨風高落鴈稀。巖光雲影撲秋衣。煙迷遠
樹參差出水濺。盟鷗上下飛。古木離奇楓葉
老。平疇交錯稻梁肥。曠觀物理隨機得。短策
橫塘到晚歸。吳門黃姬水鈴印。一黃姬水
印。江鄉景物送輕寒。幾度尋詩放眼看。返照
入潭清更碧。樓霞凝樹翠成丹。千林風靜山
容疊。萬里雲平野色寬。待擬芙蓉花發候。繞

堤更作小盤桓。瓜疇邵彌鈴印二邵彌之印。
僧彌。九峯烟樹幾經秋。得便乘槎訪舊游。
古徑野花香拂袖。平疇晚稼秀凝眸。青山與
我原相約。綠水依船去不休。正喜尋詩難自
已。西上杜蘅洲。句脫二字九峯三泖為吾松之勝。
閒嘗移舟選景。詠詩自得。今觀杜徵君畫卷。
乃為題此。與好事者商榷之。華亭陳繼儒鈴
印二。陳繼儒印眉公。

引首

九峯雲影篆書寒山趙宦光書鈐印二趙宦光

印凡夫

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽全

寶笈三編

謹案杜瓊字用嘉家吳城之樂原里世稱東
原先生黃姬水字淳父長洲人省曾子趙宦
光字凡夫吳人俱考見續編邵彌字僧彌號
瓜疇長洲人好學多才藝見梅村集

明姚綬九芝衍慶圖一軸

本幅絹本縱二尺七寸二分橫一尺三寸設
色畫盆中疊綺石詩芝九莖款九芝衍慶圖
丁酉春三月雲東逸史鈐印二姚公綬

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽五璽寶笈三編

收傳印記廣長菴主式古堂書畫印下令之

鑒定

謹案姚綬字公綬號丹邱生又號穀菴子又
曰雲東逸叟嘉興人天順甲申進士致見續
編

明沈周畫蓮塘小隱一卷

本幅紙本。縱九寸三分，橫三尺五寸。設色畫。垂柳沿溪，新荷泛沼，小屋如舟。高人寂坐，自題蓮塘小隱。篆書半里方塘一鑑平。碧筒勸酒與君傾。斜橋映水凝香豔，更指連山作翠屏。正德龍飛八月，長洲沈周鈴印。一白石翁。

後幅題跋

茫溪四面水茫茫，短櫂時登君子堂。芰製荷

衣招隱處須知不是戀紅粧吳寬鈴印三吳
寬匏庵延陵蓮開菡萏滿方塘不待風傳
也自香千載清標周茂叔幾人曾解續遺芳
獨山邵與求鈴印一節夫憲檻碧玲瓏芳
湖處處通全銷羅綺色半是芰荷風點點翻
萍綠依依映日紅故山邀釣侶正及潑醅濃
贈蓮塘隱君楊循吉識鈴印一循吉芳塘
倒挂平林東鄰鄰十頃玻璃風田田綠葉點

寒碧蓮華蕩漾波心紅。夜來微雨度高閣。起
看極浦青濛濛。濛濛香霧襲翠蓋。拂拂晴烟
迷錦叢。恍疑水伯宴溪上。文幢一一摩長空。
又疑神女弄珠出。凌波巧笑朱顏同。隔花時
聽香蓮曲。浦溆隱隱遙相通。主人愛蓮得蓮
趣。臨流窈窕開房櫳。果分紫萼入茶碗。醉捲
蒼荷作酒筩。自將小艇泛烟月。蓑笠偕伴老
此中。麓庄吳襄齡印三。麓庄吳氏襄麓庄主。

人蓮塘賦若有人兮水中央。建翠華兮集
芙蓉。既娥媿兮復嫋都。凌清波兮濯明妝。弄
木難兮拋瑤璫。逐文魚兮戲鴛鴦。扈江離兮
佩杜蘅。紛郁郁兮飄奇香。欲從兮道左。欲濟
兮無梁。羌凝睇兮色授。心懷懷兮周章。結幽
亭兮江渚。盍倡余兮要女。辛夷棟兮蘭橈。元
玉澗兮瓊戶。刻方連兮呆愚。俯曲闌兮延佇。
烟霏霏兮悵極浦。望美人兮亭之下。縷陳詞

兮抒情。嗟其笑兮無語。予豈好兮冶容。挹清
芬兮下風。賚萊施兮盈室。荃胡為兮泥中。嚼
溷濁兮不污。外修直兮內通。立矯節兮心獨
苦。微君子兮誰將。與母望秋兮先零。奄遲暮
兮愁予。亂曰。涼颼生兮水泠泠兮。月娟娟其
明兮。美人熒熒兮德之馨兮。文之名兮吾以
稱吾情兮。枝山居士允明鈐印二。祝允明印。
枝山祝氏。淺水芙蓉開滿塘。愛非因色亦

非香不觀庭院生意。簾外青青草自芳。茶
山陳湯甫。鈴印一。陳子引氏。愛蓮君子築
深塘。雲影天光水自香。物態喜隨人意好。濂
溪千載殿餘芳。南江鄒輓鈴印一。敏行。花
開君子憶吾塘。如對芝蘭不覺香。一自當年
題品後。圖書與說共流芳。槃谷王大用。鈴印
二。水東園主人時行之印。西方神人不踏
土。陸地遍長金芙蓉。又見寶池開瑞相。八功

德水流淙淙。我欲西行遊寶池。三三羽客遙
相期。嘗聞荆溪愛蓮者。十頃翠葆紅參差。天
光倒影雲亦流。香風撲袖沙棠舟。三千壯士
忽傾蓋。數萬名娃競打毬。且停鶴馭一遊賞。
飲酒笑歌還撫掌。主人亦是不羈客。偶落娑
婆受塵鞅。請君放懷聽我歌。人生在世空蹉
跎。朝名暮利非實相。醉生夢死將如何。天地
靈長十二萬數終毀滅。猶同幻有身有患。何

足謀真道真功早須辨不然亦有漁溪廬愛
蓮終日臨清渠。污泥解出白雪藕。潔身免患
誰能如。不然泰華有玉井。十丈花開香灌頂。
洗除五蘊與六塵。一飲芳泉醉心醒。饒經無
數河沙劫。法海期君當共涉。結因却從今日
始。正如種藕生花葉。江陰玉几山人徐尚德。
鈴印二。徐若容印。玉几山人。主人鑿地種
蓮花。小結茅堂近水涯。萬事都歸碧甯酒。一

塵不到白鷗沙。蘭橈桂楫。三江晚斗。笠莎衣。
兩鬢華茂。叔高風千古。在百年憂樂。付漁槎。
懷南子。湯鄴鈴印三懷南。已山古義興。小
館平池。暑氣浮紅衣翠蓋。疊金甌。方書一枕。
真人夢龜瑞。千齡君子。儔夜雨水。翻珠滾滾。
曉風簾捲碧悠悠。灩溪景物。依然在時倚南。
窗拂汗流。蓮塘親家垂愛久矣。愧無以將敬
也。鄙言呈上。情見乎辭。居謙子李延孫撰。

一襟風月向南塘。淨植年年花送香。莫怪秋
深露龍眼影涵雲水合同芳。鶴巢鄒軾鈴印
一敏聖。雨過茫溪水滿塘。荷花爛放錦雲
香。年來會得漁溪意。不待師傳道自芳。傲菴
王瑞

卷內分鈐

高宗純皇帝寶璽
乾隆御覽之寶
乾隆鑑賞

鑒藏寶璽

五璽

寶笈三編

收傳印記

彙纂作難形重一

平生真賞項叔子墨林

生

重一元汴

重一子京所藏

重一

子京父印

子孫世

昌

項元汴印

墨林秘玩

項子京家珍藏

天籟

閣

重一

墨林子京鑒定宮保世家會心處

重一淨

因菴主項墨林鑑賞章墨林硯癖沮溺之傳

叔子保之

重一

煮茶亭長子京珍藏神品若水

軒

重一

蘆廬

重一

有何不可子京珍秘桃花源裏

人家元汴之印稜嚴精舍長病仙物外元賞

子京神奇墨林子六藝之圖寄傲西楚王孫

項墨林父秘笈之印虛朗齋一重錫山周氏世

瑞堂收藏記七重

謹案吳襄字服于武進人萬曆舉人官滄州知州鄒觀武進人正德進士官至副使亦進

孫宜興人官蕭山訓導湯鄞宜興人更名建衡嘉靖十年舉人官新城知縣俱見常州府

志王大用字時行號藥谷儀真人正德三年進士見四庫全書存目徐尚德字仲修江都

人見畫家譜王瑞明史有傳云字良璧望江人未知即此人否又考常州府志有邵天和

字節夫正德初由庶吉士授吏科給事中至雲南副使此作邵與求印節夫疑即其人陳

端甫字子引武進人宏治舉人官至參議工
詩字畫時稱三絕此作湯甫疑志刊偶誤邵
輟志未載當即輟之昆弟也

明沈周畫雲山 一卷

本幅紙本。縱八寸六分。橫九尺九寸二分。淺設色。畫雲裏峯巒。樹間村落。崇椒塔聳野岸。橋橫自識。成化壬戌春三月二日。偶過西山。信宿僧樓。見雲山吞吐。若有房山筆意。信手作此長卷。以紀事耳。長洲沈周鈴印三石田。

重白石翁

後幅題跋

米家父子師董巨墨法而能自出新意後惟
高房山繼之石田先生工力不讓諸公宜其
名重一時也此卷布置深得古法雲烟出沒
信手而成真能直逼古人鑒賞家其寶藏之
戊子嘉平望後二日後學沱江子陳括題鈴
印二陳括之印沱江子

卷內分鈴

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

謹案陳栝字子正號沱江道復子也沱江自
書栝字或從木或從手攷蘇州府志道復二
子曰枚曰栝字實從木豈後又更名栝歟

明瞿果畫魚虎 一卷

本幅紙本縱一尺六寸橫一尺七寸五分水
墨畫葦溪魚虎款醉漁鈴印二炳賜昆湖醉
漁

卷內分鈴

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

收傳印記休寧朱之赤收藏圖書

謹案翟果字炳暘常熟人自號醉漁善畫花鳥見畫史會要

明祝允明家書 一卷

本幅紙本五幅。縱七寸九分。橫一尺八寸。行草書。華縣丞吳舉人來兩得書。大意已知。前書有寄銀六兩收訖。以半與汝母矣。後所云以無益之勞。有思歸之念。此固真情。但事勢且未應爾。汝年正當行達之時。吾與汝母祖母幸皆無恙。可無內顧。只是安心盡分。做去。凡天意人事。不論事之大小。皆已前定。必

然必然。其間遲速。決繫於命。無分毫著人力。處。歷世久。則自知自悟耳。灼然灼然。一味調理。氣體安康。為上。久欲遣來定往。看看忙甚。不果。今有所商量事。撥忙遣去。此間工字屋已完。正月廿五日。搬入住矣。前面祠堂等五間。亦已完。以事力論之。且歇幾時。經營費用。却造前堂為便。但今議將最後文家堂屋五間。添改作前堂。所費殊不少。而體勢既當。如

此不若乘勢努力為之又好今擇日在六月
亦未為決定但造之分数多也即今已拆後
堂屋却將樓三間移補其地甚便而宜此現
今為之矣今所商量者乃前面殷家地一向
大費詞說彼只說我家侵他牆基我以文書
折之他說不去其地亦有吳廷用等宛轉與
處他只說不賣我意不用得也罷若可買時
價平則亦可為而其意只認作方圓口稱不

賣意蓋還是勒價多耳我於此已興闢久置
度外而彼只管將牆基纏繞此實是我理直
不管他閑話若買地不成決要告官明白了
砌牆不買他地甚高但今有薛允頻與人說
我既在家一個是女婿希哲是世交至好若
因牆基致訟兩邊但有勝負我皆難相見以
此我必當為處之以全兩邊親友之情一力
主張必勸小婿將地與希哲若小婿抵死不

從則我亦要處其牆基必不至爭訟云云如此之說其意甚好雖未知誠偽想亦是彼爭牆界一節算不通故薛為之託辭善處亦未可知今方在擬議之際未消報你但又為中間人說得容易要許他百五十兩價成事我以此反不上前今特著來定去汝可一籌之若此地成得亦本是十全之好而我只今財力却無餘裕矣今必須將趙喬年本錢取動

些方可而一時脫貨不及亦且不動待他再
營運一二年後取之則甚好以此問汝可移
得二百之數來成此地并少助造屋等用後
少待趙做幾時即抽取送汝收用甚為兩便
汝可急處回報專待專待其餘事繁甚不及
細陳冊籍即帶管事尚未停當亦是耶令不
肯做主汝亦思之或寫一簡與之亦不必明
說冊事大概與叙殷勤我自持與宛轉亦好

不然。不寫也罷。但相見必問汝消息。雖非誠實人情亦好。前者葉丞到時。我適為人請遊山。不曾相見。次日往訪。即已行矣。亦有人事送之不及。今報汝知。若他還縣。可封二帕。再加一二錢之物。寫我名送之甚好。注疏及諸雜小書。竟可致否。來定搭船去。不可帶重大之物。故只達此書。細布孫琪好數買之。附去。來定亦不可久留。打發來為妙。忙甚不及周。

悉只此二月十七日

○押一不
可識

云縱同前橫

二尺八分行草書先次收得張用礪家寄來
一書說補歷事未曾回信與汝初四早來定
寄來書備悉諸事奈自汝去後南京債事大
段逼迫只得憑億泰成了華三田所得一百
零一兩○億泰除了五十三兩有餘餘還陳四
四十二兩餘豈料王家壻與其父負累誣害
我已曾自去面與其父辨白渠只含糊推不

知及後小畜生回來絕迹不見我陳四已受
他賂不肯去尋他。只累我。我將賬目明寫令
錢李二人送去。亦只含糊不肯面算。陳四與
南京二人來復。二月廿一日還他前銀。不去
定要全還。廿五日又二人來。坐在家作炒。只
得替新娘子取些首飾諸物。到吳汝器店抵
銀十七兩還之。餘期此月內了了。今已有兩
頭事在此。幹幹得下來且了了。他却再與王

家計較因陳四一主有我文書且只得認了
如今主意止將陳東菴一主與之說過止令
渠在他家討今正在經營之際必欲與之決
裂此雖其初不審亦奇禍也誰便料得伊作
此悖逆緣奈小娘兒又京人惡甚故且宛轉
不意狼狽一至於此然此外今惟有陳東菴
黃異二事東菴畢竟用前議同有說話頭腦
再報汝黃家曾告狀二次不准一向不來想

渠亦無他計。我却必要與之停當。今先了京人餘物。却理衛前事。黃事亦兼與處之也。只得耐心處之。汝客中勿過焦煩。自來定來。便要收拾些須盤纏。與他來一者。連雨二者。措置不及。今纔勉強尋得銀一兩五錢。銅錢四百個。始寄去。日下必更寄來不誤。又不知幾時果得回來。沈家兩阿舅。初三日起程。先送去禮二分。其日辦船酒送至虎邱。皆與新娘。

子協辦勉強了事。今說十二日長行。計必行矣。小女兒兩三日來傷風痰吐。請錢同德看了。吃藥已減病未全脫。無事不必慮也。來定已分付分付。無便只得且教他來。大概不長遠耳。故將就再計較。弗顯書。陸家人書俱未收。因陸家無人在城也。朱孔書問及亦可備道狼狽之故。河南之行心猶欲謀。未可必也。顧華玉家有詠物一本。討了來。億泰原文書。

不曾還說不曾帶來寫票在此可即往討耳
三月十二日付續錢來定揀過者外與盤纏
錢在外阿媽阿娘新娘子身子俱好。三縱
同前橫二尺四寸四分行草書四月廿三日
得興來定到家所寄信物如數及書籍改機
襪布茶筍糖果淹臘諸物一一收訖今遣他
還此間長幼皆安前月諸匠作皆了去訖今
只前堂門面未造姑休息養力徐待年許趙

二弟回經營完之耳。殷地薛老已議定成了。只憑我幾時立契成交。但緣吳廷用初與說價百五十數。渠今不肯退。然此數真非我意。被吳如此妄語。今難幹事。我只是算不就一者。公論不直。二則囊篋不比往年寬裕。不大計較。今須量力而為。有所未能。亦姑徐徐想。後亦終當成之。汝暇時亦可入思算。若仍是忍貴買之為宜。亦可寄信來商量處之。大概

若論得此地後。果是宅基方整圓滿。城中少
比。固當不較。不惜而成之無疑。若論目下所
在。亦已整齊寬泰。少此亦不為大欠事。且了
堂屋本等。則舍之亦可。但事亦不能如此。勇
決速了。亦姑伺少時。想亦必有定策。能成即
成。却遲報汝也。陸親家釋服。送去禮。正如所
擬。送訖。查親家在家數日。即去。因行急。親友
賀禮一切不受。他亦不送人事。送去四羹果。

等禮。如陸家者見過意送回了。今附去糟時
魚一壘外絨線金箔等寄。新娘子又新娘子
四十歲寄與錦壽帕一方。又紗比甲三段寄
與三孫女外酒籤只舊底一副。胡亂用。又酒
盤十個。諸親眷屬皆無恙。只此閏四月廿日
押一不
可識 四縱七寸二分。橫一尺二寸二分。
行草書。十四日到徐州有書付與原顧船家
彭空帶回。他到二十前後纔行。想收得了其

時又有一封託華嚴寺前張二老家轉寄。想也到了。我於正月廿九日到京。諸事無阻。但不知杜如心。呂胡子處盤纏一事。何如。前書已有在內。如到可斟酌施行。又湯家屋事。可只憑趙二官主張。回他。我待看榜後。即定去留之計。家事便有處置了。說與阿娘。耐心。耐心。有些微些微東西。待後得託之人寄來也。謝大處諸藁。可盡數討了。亦有一書與他。只

此二月初一日夜半安書付續 五縱八寸

橫二尺六寸行草書得興等前月廿七日抵

家此月初六日東徐大參郡牧索郎報適

殘損

一傳至遂來今即遣得興還

殘損一字

公書禮帶

去家中皆安餘事皆無須道造屋以術者之

論紛然多謂不宜正犯太歲以此且暫止待

論定或今年或明年為之其時或不得良便

恐亦不復更詳報汝逕自為之所議規模大

畧已定故也。三月初七日湯子行作中買回華家原田盡數一百十餘畝。訖此月初二日亦湯子行作中買尤宗暘子田一百畝餘亦在上十七都已成交。方去交割外有前所留用酒器內銀壺二把家中要用。蓋此間尚有二把不成對。不好看。每有宴席須此二把并茶鍾要用甚切。況汝官會計亦不須此用。初欲令徐鸞與得興同去帶回。繼聞諸器寄在

此間親眷之家况徐鸞要交割田是他首尾
不可輟行故只附此信遣一人伴得興去可
就寄一手札與帶回我自與寄物之家取之
至囑初想汝得憑後當暫歸一見而南又恐
崇安若便從東陽而往極順便且不甚遠又
料汝或不過家故且寄此張主事王簿皆相
見有人事來往張云有家人還家已作書託
寄去可索之簿行太急來訪後隨去荅訪其

舟已出射瀆矣。留刺其下人船中耳。沈潤卿
舅歸家又去矣。祝星已黜退秀才。今寄去
殘字一纏二斤銀魚乾一斤。他味不可多致。外與
殘二字盤纏銀一兩五錢。附呂禹平書帕二封。
四月初八日書。此書寫已久。因同行人不
偶。又留得興。挪過房後。今日纔行。不重寫書。
故但改付之。

卷內分鈐

高宗純皇帝寶璽乾隆御覽之寶。乾隆鑑賞。

鑒藏寶璽

五璽全

寶笈三編

收傳印記元方保之重聞開真賞

重九

明唐寅桐山圖 一卷

本幅紙本縱九寸九分橫四尺二寸七分淺
設色畫峭壁枕流泉出石罅古桐數株懸生
巖上自題吾聞淮水出桐山古來賢哲產其
間君今自稱亦私淑漁釣須當借一灣吳門
唐寅作桐山圖鈐印三吳趙唐伯虎南京解
元

後幅題跋

小作雲窩帶壑斜。陰陰山木翠交加。放教黃
鳥啼清晝。留取蒼苔護落花。卓筆風前欣有
得。撚髭窓下興無涯。清音日暮穿林去。知是
孤山處士家。長洲文徵明鈴印二文徵明印
悟言室印 清樾吟窩詩胥臺山人袁袁敬
賦洞庭之水清泠漪七十二峯爭獻奇。買山
築室從所好。茂樹叢林相蔽虧。容膝數椽堪
肆志。枕肱終日祇吟詩。安樂唯應同邵叟。一

瓢回也更何為。鈴印三虎邱別墅。袁永之氏。
丙戌進士。松露坐來落蟬聲。葉底涼豐年。
人盡樂余懶卧無妨。雨洗桐逾碧。林蒸梅漸
黃。輕雷朝隱几。高榻午然香。林屋蔡羽鈴印。
一左虛子。洞庭古桃源。邀與人世別。平湖
插夫容。玉鏡光巖薛。中有冥栖者。結廬傍巖
穴。白雲日夕飛。嘉樹左右列。有時清風來。花
落東山雪。閒吟招隱篇。靜讀鴻寶訣。往來綺

里公食芝餌金屑笑余市城人聞之只中熟
吳門王寵鈴印二元微子王履吉印山人
好詠詩日坐春湖壑幾樹吐青雲飛花遙自
落東海徐伯虬鈴印二徐子九氏嵩山山人
虛堂結靈境嘉木饒繁陰波光浸窗影翠
色侵床琴春花謝濃麗綠葉茂以深新蟬未
奏響黃鸝有餘音解帶倚前楹山嵐疊奇琛
時揮白玉塵閒歌梁甫吟慮淡寡物累機忘

澄道心何時駕洪濤扁舟一相尋雁門文彭
鈴印二文彭印文壽承父洞庭之隈桐山

側木交陰兮映寒碧寒碧映兮蕩清空幽人
詠吟兮在其中馭風游神兮啟元室玉文金
簡兮字莫識逍遙順適兮夫何憂樂天知命
兮吾無求癸巳十月文嘉鈴印一文休承氏
木葉覆牆開庭陰滿地苔日華當樹黯山
影罨花來白髮詩千首滄洲棹一杯幾年湖

上路遙憶鳥聲催。臨頓里陸芝鈴印二陸生。
幼露陸芝私印。清樾藏真處。清風為爾尋。
常陳高士榻。曾繼杜陵音。笑傲虛元賞。謳歌
見苦心。聖明無棄士。未必老山林。袁聚鈴印。
二謝湖袁尚之氏。遁迹太湖陰。幽居嘉樹
林。小山招不往。梁父卧常吟。啼鳥窺孤興。哀
猿識苦心。羨茲塵外躅。長嘯欲投簪。陸師道。
鈴印二陸子傳氏。戊戌進士。夙有元虛想。

名山開草堂。湖雲吹五色。樹日蔽千章。流水
琴中碧。啼鶯酒畔黃。洞庭舊僊穴。靈駕任翱翔。
周山顧聞鈴。印二行之印。周山草堂。高
人棲隱桂阿幽。束帛當年賁此邱。茂樹清泉
聊自適。長歌散髮復何求。江湖堪著元真釣。
花鳥空令杜甫愁。相國題楣今尚在。吟魂欲
弔渺蒼洲。天室道人黃姬水。鈴印二黃淳父
氏。漢徵君裔。奉題清樾窩前古桂一首。精

舍開巖曲四山環翠屏團團青桂樹宛映君
前楹明晨每訝翠葆集盛夏常疑陰霧生栽
培尚憶先人澤愛護彌增孫子情虬枝攢倚
如束玉銀條蟠屈莓苔綠八月秋高天宇清
開花爛漫黃金谷琴樽日夕淹林扉蹇攀撫
玩情依依風生祇憐雪繞樹坐久不知香滿
衣淮南小山聞在昔此日風流堪繼迹寧比
當年姚魏葩朱輪擾擾紅塵陌王延陵鈴印

四太原七十二峯深處子永父三槐堂印
小山叢桂下一室西湖深水隔伊人路雲知
靜者心綠陰供燕坐黃鳥荅清吟欲采秋芳
贈悠然不可尋王穉登鈐印二王穉登印尊
生

引首

清樾吟窩款拙叟鈐印三顏樂齋大學士圖
書印濟之

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

收傳印記古香書屋朝鮮安岐之印公信公

珍藏心賞安氏儀周書畫之章儀周鑑賞

重六

安儀周家珍藏一修竹吾廬思原堂麓邨

謹案袁袞字永之吳縣人嘉靖丙戌進士歷

官廣西提學僉事袁袞字尚之號陳湖居士

袞兄也蔡羽字九達吳縣人由國子生授南

京翰林院孔印俱考見續編王寵字履仁後

字履吉。號雅宜山人。吳縣人。見甫田集。徐伯
虬。字子九。積卿子。嘉靖乙酉舉人。官國子
士。陸芝。字幼靈。長洲人。官攸縣知縣。陸師道
字子傳。號五湖。吳縣人。嘉靖戊戌進士。歷官
尚寶司少卿。顧閏。字行之。吳縣人。嘉靖戊子
舉人。王廷政。字子永。太傅鑒子。以落官中書
舍人。引首題濟之。即鑒字也。

明唐寅溪泉藜杖圖 一軸

本幅紙本縱三尺三寸五分橫一尺設色畫
巖屋看泉秋林策杖自題逶迤十里平溪路
滴漈三重下瀨泉為底時來策藜杖春衣要
試浴沂天唐寅畫并題鈐印二唐伯虎吳趨
軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

金五璽

寶笈三編

收傳印記
淞洲鬱岡精舍
卧菴
淞州藏畫

明唐寅畫山水一軸

本幅絹本縱四尺三寸五分橫一尺五寸設
色畫峭壁長松一人倚赤欄橋佇眺自題松
濤謾謾響秋風雲影巒光淨太空何事幽人
常獨立秋緣詩意滿胷中辛未九月畫吳郡
唐寅鈐印三唐寅私印唐伯虎吳趨

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

收傳印記
朱卧庵收藏印